

胡粉微炒

青黛細研各半兩

黃連末壹兩微炒

麝香壹錢

右件藥同研令細以豬膽壹枚取汁和丸如黃米粒大不計時候以粥飲下五丸量兒大小以意加減

譚氏殊聖寶命丹 治內疳

皂角壹兩炙令焦黑色去皮爲末叁分

巴豆貳七箇去心膜細研

新瓦上出油了用之雄雀兒糞貳錢

右細末以粟米飯丸菜豆大空心溫水下三丸

外疳 錢氏云疳在分則鼻下臭爛自揉鼻頭上有瘡

不著痂漸透耳生瘡今分走馬疳口齒疳鼻疳眼疳
臚列諸方如左

走馬疳

走馬疳疳蝕之極也乃五藏蒸熱上攻甚卽

徧沿作崩沙候牙邊肉腫爛口內氣臭身微有潮熱
喫食不得齒縫出鮮血常動搖似欲脫肉爛白漏落
治之先以淡淡鹽湯洗口內卽下紫金散摻之一

三次搯殺牙邊肉內蟲如大段甚卽下秋霜散摻之

然後將朱砂膏牛黃膏天竺黃散夾調理此牙先或

以天竺黃散夾地黃膏亦好此惠眼法如此調理卽安如

調理不退先落齒一兩三箇卽死不治相次面光發

顙漏見骨而殂 形證論先與退脾肺風熱宜喫檳
榔散五七服後用此藥貼斷上以大棗壹箇砒少許
去棗核入砒在內燒灰存性臨時貼斷上數次効
曾凡得此候多因氣虛受寒及有宿滯留而不去
積溫成熱虛熱之氣上蒸或食甘酸鹹膩之物而脾
雖喜甘積滯日久蘊熱上熏於口致齒焦黑爛間出
清血血聚成膿膿臭成蟲侵蝕口齒甚致顙頰穿破
乳食不便面色光浮氣喘熱作名走馬疳治之之法
先去積熱用當歸散合三稜散水薑棗煎服次投蘆
薈丸玉露飲及以溫鹽水灌漱或軟雞翎蘸鹽水拂

洗略拭乾仍以燒鹽散內金散蜜陀僧散傳之若經久不愈者傳於唇之上下乃成崩沙證或穴發滿腮齒落骨露飲食減少氣促痰鳴必致危矣

紫金散

茅先生名黑鉛散

治小兒走馬疳

黃丹

蛇床子

炒令黑

地龍

炒令黑冬半兩

青礬

壹分服過

右末每服一字揩牙斷上一日三次揩

秋霜散

治小兒崩砂

好砒

半兩

白礬

肆分

右用水三分一盞先煎水令蟹眼沸來便下砒煨

水乾爲度卽下白礬末同煨乾爲末取出入好麝香少許好坯子少許同拌合爲末每使一字用鵝毛點拂牙齦上一日三四迴拂卽愈

惠眼秋霜散

治崩沙齒齦欲落

粉霜

砒霜

白礬

各一

右爲末用北艾一大團裹定上件藥末以石灰滲艾上後用椀盛發火燒盡細研以手捻少許揩齒上用鹽湯漱口燒時以盞子蓋定恐走了藥氣

乳香丸

治走馬牙疳如神

乳香

輕粉

砒

研各五分

麝香

少許

右先將乳香研細入輕粉麝砒共再研勻用薄紙
一韭葉闊去葉內按過揉紙少許丸如黃米大臨
卧將藥填在患處至明則愈忌食醬醋鹽等物
錢乙龍骨散 治疳口瘡走馬疳

砒霜

蟾酥

各一字

粉霜

半字

龍骨

一糸

定粉

半一糸

龍腦

半字

右先研砒粉極細次入龍骨再研次入定粉等同
研每用少許傳之
右方皆犯砒非極不用

仙人水鑑治小兒走馬疳蟲透損骨者方

右用天南星一枚當心剉作窠子安好雄黃一塊
在內用大麥麴煨候雄黃鑠作汁以盞子合定出
火毒一宿去麴研爲末入好麝香少許掃在瘡上
驗

集驗方治小兒走馬疳

右用蠶退紙不計多少燒成灰存性入麝香少許
貼患處佳

茅先生小兒崩砂方

雞內金

蘆薈

白礬

火煨

乳香

地龍

麝香

右各少許爲末候小兒睡着以藥末搽牙齦上

定命散 治小兒走馬疳

白礬

綠礬

各等分炒一大匙

右同研勻用大麥麴伍錢薑葱一寸研爛將麴同
搜和軟硬得所爲餅子將研勻者藥裏在中心用
文武火燒存性於地坑內出火毒一宿又研如粉
入鈆霜二錢同研令細每服一剎耳許揩牙上一
二遍

蟾灰散 治小兒走馬疳

乾蝦蟇一箇大者
燒存性

麝香少許

五倍子各壹錢

右同研蜜水調塗齒根上未止更用之

聖散子 治小兒走馬疳

膽礬

龍膽草各壹兩

右同於瓦瓶中煨煙盡略存性貼瘡上

土金散 治小兒走馬疳

天南星壹箇重壹兩者

綠礬壹兩

右先安排南星在乾地上用礬與南星同處四邊以灰火燒煙盡爲度取出後研如粉入當門子壹

疳

多

疳

粒先含藥水洗貼之

劉氏家傳李琬麝香散

治小兒走馬急疳口臭牙

齒損爛及攻蝕唇鼻頤頰累治未効者可用此方

麝香

壹錢真者

黃藥

壹兩去皮粹末

青黛

半兩上好者

雄黃

壹分飛研

右件件研極細如有患者先以綿纏筋擦却齒上
蝕損死肌以軟帛拭去惡血量瘡大小乾摻日三
五次用之或血盛併多不定者加定粉半兩同研
用如前法

散

龍膽草

青膽礬

右等分用甘鍋子壹箇先入膽礬在內次入龍膽草用鹽黃泥固濟留一眼子週迴用炭火燒至眼干上煙斷為度放冷取出研細入麝香少許如有患人看瘡內大小乾擦貼之立効牙疼乾擦牙根有鮮血出并腫爛牙擦之即愈

托氏無比散 治小兒走馬疳

麝香 壹分 別研

真蟾酥

綠礬 各半 分

膽礬

沒藥 各貳分

右四味一同用大瓢一口鑿中心作竅穴于勿令

走馬疳

刀半人

三

透地便安四味藥在穴中週迴用紅着炭三斤燒
過取出同麝香再研勻如有患者以雞翎微濕沾
藥末掃於小兒齒上立効

王氏手集治小兒走馬疳口鼻生瘡牙齦腫爛諸藥
不能治者

搗藥拾片乾者

麝香少許

右以麝香為末水調塗葉上炙乾又塗又炙凡塗
多數遍為末瘡濕乾慘

安師傳走馬疳藥方

此疳齒中不
住血出多

右用蠶退紙燒灰止而待間令住若用地骨皮中

嫩處爲末貼之便永止

曾氏燒鹽散

治走馬疳牙根肉潰爛黑臭

橡斗子

不拘多少

右每用大者兩箇入鹽滿殼蓋作一合或五六箇至十數箇安在火內和鹽燒透取出地上以瓦盆蓋定存性候冷入麝香少許乳鉢內極細杵勻每以半錢塗搽患處常收用小瓦合盛貯勿使紙裏蓋能作潤

內金散

治牙根肉臭爛黑色有蟲作痛

雞內金

即雞脾內麤皮陰乾壹兩

白芷

銅青各半兩

麝香壹字

右前三味剉曬或焙爲末仍以麝香乳鉢內同杵
勻每用一字或半錢乾擦患處先用溫鹽水灌漱
後便藥

蜜陀僧散 治走馬疳齒焦黑爛

蜜陀僧壹兩

輕粉伍拾貼

麝香壹字

右件爲細末同輕粉麝香乳鉢內杵勻每用半錢
擦患處

走馬牙疳神効方

乾薑白礬棗子燒焦存性爲末傳患處 尿桶中

白焙乾爲末入冰片少許揩牙立効

右自水鑑方以下不犯砒爲安

治走馬牙疳用溺桶中白垢火煨過每壹錢入銅綠
叁分麝香壹分半傳之立愈

紅鉛散 治走馬疳

綠礬不以多少色鮮明者入乾鍋用炭火燒鍋赤
傾出以好酒灑拌勻再入鍋如此數遍色紅研作
細末入麝香少許先以溫漿水洗漱淨用指蘸藥
有疳處貼之

演山蘭香散 治小兒走馬疳牙齒潰爛以至崩砂

出血齒落者

輕粉壹錢重

蘭香子壹錢末

蜜陀僧半兩醕滓爲末

右研如粉傳齒及齦上立効

議曰嬰孩受病證候多端良由氣鬱三焦疳分五藏內有腎經常虛得疳名之曰急以馬走爲喻治療頗難此等一證初作口氣名曰臭息次第齒黑名曰崩砂盛則齦爛名曰潰槽又盛血出名曰宣露重則齒自脫落名曰腐根其根旣腐何由理之今將秘方具述於後

傳齒立効散